

MOJE DIJETE SVJEDOK

VODIČ ZA RODITELJE/STARATELJE DJECE KOJA SU
SVJEDOCI U KAZNENIM POSTUPCIMA U BIH



Drustvo psihologa Republike Srpske
Association of Psychologists of Republic of Srpska



DRUŠTVO PSIHOLOGA
REPUBLIKE SRPSKE
ASSOCIATION OF PSYCHOLOGISTS
OF REPUBLIC OF SRPSKA



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савет Босне и Херцеговине
High Judicial and Prosecutorial Council of Bosnia and Herzegovina





Poštovani roditelji i staratelji,

pred vama je vodič koji vam nudi informacije o položaju djece žrtava i svjedoka u krivičnom postupku, savjete kako se ponašati ako se vaše dijete nađe u ulozi svjedoka i kome se obratiti. Svjedok je osoba koja je dužna pružiti informacije policiji, tužiteljstvu i sudu o nekom događaju koje su važne za rasvjetljavanje kaznenih djela. Posebno važno je svjedočenje oštećenih/žrtava u kaznenom postupku, ali djeca mogu biti i veoma bitni svjedoci, ako su vidjeli i čuli (očevici) ili saznali da je prema nekom izvršeno kazneno djelo. Traumatična iskustva djece predstavljaju traumatično iskustvo cijele obitelji i nerijetko djeca zauzimaju poziciju da šute i kriju ono što im se dogodilo ili su vidjeli, nastojeći tako zaštititi svoje najbliže od svog negativnog iskustva. **Uloga roditelja u ovakvim situacijama je neprocjenjiva.**

Svjedočenje djece je regulirano posebnim zakonom u našoj zemlji – Zakon o zaštiti i postupanju sa djecom i maloljetnicima u kaznenom postupku kojim se djeca nastoje maksimalno zaštititi od ponovne traume, narušavanja privatnosti i drugih negativnih posljedica na njihov razvoj i odrastanje.

Osim hitnosti postupka u kojima se djeca pojavljuju kao oštećene osobe, zakon propisuje da se djeca i mladi maloljetnici u postupku mogu saslušati najviše dva puta. Stariji maloljetnici (16–18) mogu svjedočiti više od dva puta, ako je to potrebno. Saslušanje djece obavlja se iz posebne prostorije koja je tehnički opremljena, a sa djecom u toj prostoriji prisutna je samo stručna osoba (najčešće psiholozi, socijalni radnici ili pedagozi) koja pomaže saslušanju i pruža djetetu podršku.

Zakon zabranjuje suočenje djece sa osumnjičenikom/optuženom osobom, a ako djeca vrše prepoznavanje osumnjičenog/optuženog učinitelja kaznenog djela, onda se to obavlja na način koji u potpunosti onemogućava da osumnjičenik/optuženik vidi dijete.

Djeca koja su ozbiljno fizički ili psihički traumatizirana djelom i okolnostima pod kojim je djelo izvršeno, ili pate od ozbiljnih psihičkih poremećaja koji ga čine izuzetno osjetljivim, u svim fazama postupka (prije, u toku i nakon saslušanja) imaju pravo na psihosocijalnu pomoć i podršku, te im se u skladu sa zakonom (Zakon o zaštiti svjedoka pod prijetnjom i ugroženih svjedoka) mogu odrediti i druge mjere zaštite.



Postupci u kojima se pojavljuju djeca zatvorena su za javnost, a ako je potrebno sud može odrediti i druge mjere kako bi se zaštitio identitet djeteta i njegove obitelji. Sve osobe koje dolaze u kontakt sa djetetom (ovlašćene službene osobe, tužitelji, sudci i stručne osobe) moraju imati posebna znanja iz oblasti prava djeteta i krivičnopravne zaštite djece.

Djeca oštećena kaznenim djelom, odnosno njihovi roditelji/staratelji u toku kaznenog postupka bit će pitani od strane tužitelja i suda postavljaju li imovinskopravni zahtjev, odnosno traže li da onaj koji je povrijedio njihovo dijete kaznenim djelom nadoknadi štetu za nanesene fizičke i duševne bolove i pretrpljeni strah kao i pretrpljenu materijalnu štetu. Umjesto roditelja/staratelja to može učiniti i odvjetnik. Naknada štete je određeni novčani iznos koji je dužan isplatiti učinitelj za koga sud utvrdi da je kriv za kazneno djelo učinjeno prema djetetu. O tome sud donosi presudu koja se dostavlja roditeljima /starateljima i odvjetniku koji je u kaznenom postupku zastupao interese djeteta.

Ukoliko imate sumnju da vam je dijete žrtva nečijeg nasilnog ponašanja ili je vidjelo i čulo da je prema drugom učinjeno kazneno djelo (očevidac), potrebno ga je ohrabriti da vam ispriča.

Dok vam dijete priča:

- slušajte, ne prekidajte ga;
- ne pravite izraze čuđenja, gađenja, nevjerice;
- ohrabrite dijete da priča iskreno, slobodno, svojim riječima
- uvjerite ga da se prijavljivanjem svakog oblika nasilja ne čini ništa pogrešno;
- uvjerite dijete da ono nije ni za šta krivo;
- reagirajte odmah, čim vam se dijete povjeri;
- informirajte se o simptomima koji se javljaju kod djece koja su doživjela traumatska iskustva i ako neki od njih prepoznate, potražite pomoć stručnjaka.

Ukoliko je vašem djetetu i obitelji prijećeno zbog učešća u postupku kao svjedoka, odmah to prijavite policiji ili tužiteljstvu.

VRSTE NASILJA

Nasilje je svako ponašanje koje povrjeđuje tijelo ili osjećanja. Ako se nasilje često ponavlja nad istom osobom, onda se to zove zlostavljanje. Postoje razni oblici nasilja nad djecom i važno je da ih znate prepoznati:



→ **Fizičko nasilje** je kada netko povrjeđuje tijelo djeteta. To može biti: udaranje, šutiranje, guranje, davljenje, čupanje, zatvaranje i zaključavanje, otimanje, uništavanje stvari...



→ **Verbalno nasilje** je kada netko koristi riječi da bi povrijedio dječije osjećaje. To može biti: vrijeđanje, ismijavanje, omalovažavanje, prijjetnje i slično.



→ **Socijalno nasilje** se događa kada se dijete isključuje iz grupnih aktivnosti, ogovara, kada se pričaju laži o nekoj osobi ili nagovaraju drugi da se s tom osobom ne druže.



→ **Seksualno nasilje** se dešava kada se dijete neprimjereno dodiruje po intimnim dijelovima tijela od strane druge osobe, upućuju riječi ili pokazuju slike neprimjerenog seksualnog sadržaja, kao i kada se tjeraju na seksualne odnose ili bilo koje seksualne aktivnosti.



→ **Nasilje putem mobilnih telefona i interneta** je kada netko, bez dozvole, snima telefonom druge i to šalje dalje, ili ih uznemirava pozivima, SMS-om i e-mail porukama.

Djeca ne smiju da trpe nasilje, jer ih to povrjeđuje i utiče loše na njihov razvoj. Kao dijete, imaš pravo da budeš zaštićen/a od nasilja, a odrasli imaju obavezu da ti obezbijede zaštitu. Važno je da znaš prepoznati nasilje, prijaviti ga i potražiti pomoć odraslih kojima vjeruješ!

PRAVA DJETETA

Konvencija o pravima djeteta primjenjuje se u skoro svim zemljama svijeta i ugrađena je i u domaće zakone koji se odnose na djecu koja su u kontaktu sa zakonom i sudom.

Po Konvenciji, dijete je osoba koja je mlađa od 18 godina.

KONVENCIJA O PRAVIMA DJETETA, IZMEĐU OSTALOG, DJECI GARANTIRA:



Pravo na zaštitu od svih vrsta nasilja



Pravo da zna i razumije svoja prava



Pravo na zdravstvenu i psihološku pomoć ako je žrtva ili svjedok nasilja



Pravo da živi sa roditeljima, osim u slučaju kada od njih trpi zlostavljanje ili zanemarivanje



Pravo da izrazi svoje mišljenje o svemu što se na njega odnosi, a odrasli trebaju to saslušati i uvažiti, u najboljem interesu djeteta



Pravo da traži informacije koje su za njega važne



Pravo na privatnost

KONTAKTI

U slučaju da je vaše dijete povrijeđeno krivičnim djelom, da je doživjelo neku vrstu nasilja ili bilo prisutno kada se ovakva djela dešavaju nekom drugom, ovo su institucije i organizacije koje možete kontaktirati radi pomoći:



POLICIJA, CENTAR ZA SOCIJALNU SKRB I TUŽITELJSTVO

Kaznena djela u kojima je vaše dijete žrtva ili svjedok, možete prijaviti policiji na broj **122**. Također, ove slučajeve možete prijaviti i Centru za socijalnu skrb u mjestu u kojem živite i Tužiteljstvu.



ŠKOLA

U školi možete potražiti pomoć stručnog osoblja (pedagoga, psihologa, socijalnog radnika) koji će vam pružiti savjet i uputiti vas prema drugim institucijama i organizacijama za pomoć.



SOS TELEFONI

Pomoć i savjet možete potražiti i putem telefonskog broja za djecu koja trpe nasilje: **Plavi telefon, na broj 080 05 03 05**. Ovaj broj je besplatan i linija je otvorena svakog dana od 9 do 17 sati, za svu djecu iz BiH.



ODVJETNICI

Ako je vaše dijete povrijeđeno kaznenim djelom, imate i mogućnost posavjetovati se sa odvjetnikom koji može u kaznenom postupku zaštititi pravne interese vašeg djeteta.



BESPLATNA PRAVNA POMOĆ

Na stranici www.mrezaprvnepomoci.org informirajte se šta je besplatna pravna pomoć, gdje vam je dostupna i koji su to postupci u kojima imate pravo na besplatnu pravnu pomoć.



OMBUDSMANI

Pomoć i savjet možete potražiti i u Odjelu za prava djeteta pri Ombudsmanu BiH, na telefon **051 303 992** ili na e-mail **bl.ombudsmen@ombudsmen.gov.ba**

Možete se obratiti i kancelariji Ombudsmana za djecu Republike Srpske, putem telefona **051 222 420** ili e-maila **info@djeca.rs.ba**



NEVLADINE ORGANIZACIJE

Raspitajte se koje nevladine organizacije i udruge rade na zaštiti dječijih prava u vašoj okolini i slobodno se obratite i njima za pomoć i savjet.

Neke od njih možete naći na web stranici www.snaznijiglaszadjecu.org više informacija i na stranicama www.zastitimodjecuodnasilja.org, www.djecanainternetu.org i www.sigurnodijete.ba



ODJELI/ODJELJENJA ZA PODRŠKU SVJEDOCIMA U SUDOVIMA I TUŽILAŠTVIMA

Na ovim mjestima rade psiholozi ili socijalni radnici koji pomažu svjedocima kada trebaju dati svoj iskaz pred tužiteljstvom i sudom. Psihosocijalna pomoć i podrška pruža se svjedocima prije, za vrijeme i nakon svjedočenja, a osnovni cilj jeste da se stručnom psihološkom podrškom ublaži stres, anksioznost i ponovna traumatizacija davanjem iskaza. Stručne osobe iz ovih odjela stoje na raspogonju djeci svjedocima sve vrijeme postupka i ukoliko je potrebno organiziraju psihološka savjetovanja za djecu i roditelje. Službenici odjela obično kontaktiraju roditelje djece koja se pojavljuju kao svjedoci, a uz poziv za svjedočenje dobijate informaciju o postojanju ovih službi sa kontaktima kako biste se i sami mogli obraditi za pomoć.



CENTRI ZA MENTALNO ZDRAVLJE

Ukoliko vaše dijete i vaša obitelj ima probleme koje su posljedica traumatskog iskustva, obratite se za pomoć centrima za mentalno zdravlje u mjestu gdje živite.



PRAVDA ZA SVAKO DIJETE

Ova brošura je omogućena uz pomoć UNICEF-a, odnosno, kroz projekat Pravda za svako dijete koji je podržan od Vlade Švicarske i Švedske agencije za međunarodni razvoj i saradnju (Sida). Sadržaj publikacije nužno ne oslikava stajališta UNICEF-a, Vlade Švicarske i Sida-e.



Schweizerische Eidgenossenschaft
Confédération suisse
Confederazione Svizzera
Confederaziun svizra



SWEDEN

